

聞鶯啼

今朝三月二十八耳邊忽聽鶯聲發
驚開道眼一觀瞻羽翎新
用黃金刷見予轉轉弄清吟
他意還應會我心恰似琴聲初調
品無情風月是知音

初春

世網擘開肯染塵名園恰似洞中春
問公還識逍遙客願我堪
爲自在人坐上詩篇俱濟濟
醉中醪醕任頻頻四時不老花芳
別唯有清香一盞均

凡籠跳出並無塵此日誰知物外春
對景肯從搢紳者將身已
作散閑人詩緣毛穎傳來速
酒泛芳卮轉得頻認取祖宗眞實

道藏輯要

重陽全真集

六 下 胃集一

地黃芽澆灌滿園均

留題友人樓

深羨孩兒樂使牛不須裝裹急梳頭
清閑自是親香火勞役誰
知遠使優咫尺蓬萊人不見逍遙紫府
我先酬愛河猛捨尤清
淨別駕輕舸泛十洲

贈友詠雪

密布彤雲慘白沙舞空亂目閉天涯
嘉祥自是封盈尺應瑞依
然結六花景外畫圖歸釣叟瑩中
清淨屬仙家晚來皓月開濃
霧一派流光射素霞

贈姪

一首新詩贈七哥予言切記莫蹉跎遵隆國法行思議謹守軍門護甲戈飲膳共爲通禮讓言談歌出用謙和先人後已唯長策竚看歸來唱凱歌

上兄壽

祥雲瑞靄生賢哲五百時臻遇三月十一日晨尤最奇三千年見蟠桃結莫辭金尊酒頻添好把玉爐香滿熱仰祝遐齡無可比有弟今朝細分說若比金玉均可缺若比江海亦不竭若比鐵石俱可裂若比松柏皆可折未若兄之愈眉壽永永綿綿不可絕

日中已過艷陽天嫩綠微紅是禁煙恰到清明真火得不迷濁

道藏輯要

重陽全真集

七

下胃集一
川上二文

酒道心堅自知一性通長壽何恥凡軀掛舊氈燕語呢喃全姘妙鶯啼睨院覩嬰賢三田誰識虛中寶四假予知嶺上看但把五行顛倒使便教他日遇神仙

述懷

閑閑閑得染章篇顯出文房內四賢烏帽嬰兒添硯水朱衣姘女運陳玄白顏公子傳銀筓綠鬢佳人鋪錦牋九轉鋪排眞玉漾一揮寫就寶珠圓明光粲粲千般瑩彩艷團團五色鮮親自擎將空外去十分堪獻大羅仙

害風王詰遠山隈信腳同雲近海垓八百行成雙樹果三千功滿一聲雷更無意馬遊情色那有心猿探世財財色兩能長滅